

Aylanma (joriy) va uzoq muddatli aktivlar o'rtasidagi tafovut

67. Har bir sub'yekt joriy aktivlarni va joriy majburiyatlarni buxgalteriya balansida alohida tasnif sifatida ko'rsatishni (yoki ko'rsatmaslikni) belgilab olishi kerak. Mazkur standartning [69 — 71-bandlari](#) ana shunday cheklash amalga oshirilganda qo'llaniladi. Xo'jalik yurituvchi sub'yekt bu tasnifni amalga oshirmaydigan variantni tanlab olsa, aktivlar va majburiyatlarni to'lash muddatlari bo'yicha axborotlar baribir yoritib berilishi kerak.

68. Xo'jalik yurituvchi sub'yekt aniq belgilanadigan operasion siklidan foydalanib tovarlar va xizmatlarni yetkazib berganda, balans hisobotidagi joriy va uzoq muddatli aktivlar hamda majburiyatlarning alohida tasnif etilishi aylanma mablag' sifatida doimo murojaat qilinadigan sof aktivlar bilan sub'yektning uzoq muddatli operasiyalarida foydalaniladigan aktivlar o'rtasidagi tafovutni farqlash yo'li bilan juda foydali axborot bo'ladi. Shuningdek u joriy operasion sikli davomida olinishi kutilayotgan aktivlarni hamda shu davr ichida to'lanishi lozim bo'lgan majburiyatlarni ham ta'kidlab ko'rsatadi. Sub'yekt joriy va uzoq muddatli aktivlari hamda majburiyatlarini alohida-alohida ko'rsatsa, bunday hollarda ular [69 — 76-bandlarga](#) muvofiq tasnif etiladi.